



METSÄHALLITUS



MUSEOVIRASTO

Inventerenovttasbarggu boadusin logit ođđa dološbázahasat Anáris

Diedáhus 12.11.2008

Meahciráddehusa Sámi luonddubálvalusat ja Musealágádus inventerejedje ovttasbargguin mannan gease Anára kirkosiidda lagašguovllu ja Anárjávrrí gáttiid guovlluid, mat leat lávvabarggu vuolde. Gieddebargguid boadusin bohte dihtui logit árabut dovdameahhttun dološbázahasat ja eará kulturárbebaikkít.

Árabut guovllus dovde sullii čuođi dološbázahasčuožáhaga. Geasi inventerenbargguid maŋŋá doppe leat diedus ainjuo 150 earálágan arkeologalaš čuožáhaga. Gávnojuvvon ovdahistorjjálaš báikkiin eanemus miellagiddevaččat leat Bártteha ja Fávlejohkanjálmmi ássanbaikkít, maid áigodat lea várra geađeáiggis dahje áraruovdeáiggis. Stuorámus oasi ođđa dološbázahasain gávdne Bárttet-Fávli – gaskasaš fiinna sáddo guovllus, mii lea oalle oiddolaš báiki ovdahistorjjálaš ássamii.

Ovdahistorjjálaš dološbázahasaid lassin guovllus dokumenterejedje máŋggaid miellagiddevaš historjjálaš áiggi kulturárbečuožáhagaid. Boares vuovdebargobarttaid bázahusaid, sámegittiid sihke nuppi máilmmisoađi áigge eanaluvvan fáŋgaleairra ráhkadusat mitalit guovllu rikkis ja maiddái lossa duogášis.

Inventeren dahkkojuvvui duogášmateriálan Anárjávrrí oasseoppalašlávvi ja Anára kirkosiidda sajádatlávvi, ja daid goluid ovddasvástádus lei Meahciráddehusas ja Anára gielddas. Inventeremis dárkkistedje ovdalis dovddus dološbázahasaid sajádaga ja dili sihke ohce ovdalis dovdameahhttun dološmuittuid lávas evttohuvvon ođđa huksenbaikkiin. Lassin guorahalle ovdahistorjjálaš ja historjjálaš ássamii oiddolaš Anárjávrrí sihke lagašguovlluid smávit čázádagaid gáddeguovlluid.

Inventeremis čohkkejuvvon dieduid geavahit lávvabarggu lassin Anárjávrrí vánddardanguovllu dikšun- ja geavahanplána duogášdiehtun. Guktuid inventeremiid gieddebarggu ja raporterema ovddasvástádus lei FM Eija Ojanlatvas. Musealágádusa inventeremis doaimmai veahkkedutkin HuK Piritta Håkälä.

Lassidieduid inventeremis oažžu

Meahciráddehus, Sámi luonddubálvalusat

Spesiálaplánejeaddji **Eija Ojanlatva**, t. 044 339 5113, [eija.ojanlatva\(at\)metsa.fi](mailto:eija.ojanlatva(at)metsa.fi)

Kulturárbbi spesiálaplánejeaddji **Pirjo Rautiainen**, t. 040 508 1673, [pirjo.rautiainen\(at\)metsa.fi](mailto:pirjo.rautiainen(at)metsa.fi)

Musealágádus, Arkeologijja ossodat

Dutki **Sirkka-Liisa Seppälä**, t. 09 4050 9279, [sirkka-liisa.seppala\(at\)nba.fi](mailto:sirkka-liisa.seppala(at)nba.fi)

Intendeanta **Kaarlo Katiskoski**, t. 09 4050 9268, [kaarlo.katiskoski\(at\)nba.fi](mailto:kaarlo.katiskoski(at)nba.fi)